

## **Twee peerde.**

D'r waarn twee gepensioneerde ambtenaren oet ut Achterveld, dee samen in de lotteri'je un duftige geldpries hebt 'ewonnen. Ze sprekt met mekare af um un jongensdreum in vervulling te laoten gaon. Ze koopt zich samen ne grote weide en ok ieder un peerd.

Toen de beide peerde in dee ene weide leepen, zei den enen ambtenaar teggen den andern: "Hoe wet ik now op tied van doer wat mien peerd is?"

Den andern ambtenaar dach depe nao en zei: "Ik knippe van mien peerd de manen af. Dan wette wi'j dat!"

Maor nao un paar maond wazzen de manen van ut ene peerd weer zowiet an 'egreuid, dat ze haost neet meer ut mekare te hollen wazzen.

Weer kwam den andern ambtenaar op un good idee: "Ik knip mien peerd de heure van de stat!"

Dat gebeurn. Maor nao verloop van tied blek ok dat de oplossing neet te weazen. Weer was d'r otgebred beraod. De andern ambtenaar kwam now met 't plan um de schoftheugte van de peerde te metten. "Dan bu'w veur altied van de narigheid af", zei e met un geleerd gezichte.

"I'j konden wal 'ns geliek hebben"" antwoordd'n den ene.

D'r worden un lere en un maotband ehaald. D'n ene klom op de lere en liet de meetband langs ut peerdelief oetrollen. D'n andern lag op de kniene in de weide. Hi'j had ziene brille op 't puntjen van de neuze staon.

Deze ceremonie herhalen zich nog un kere bi'j ut ander peerd. Toen kek den peerdemetter naor baoven en zei tegen de enen ambtenaar: "I'j hebt geliek, d'r is verschil: oew zwarte peerd is iets kleiner as mienen schimmel!"

-----ht-----